

重刊道藏輯要

元始无量度人上品經法卷之一

太上三五都功職錄弟子陳椿榮集注

萬聖尊崇眾眞欽仰无上可上之又玄洞玄靈寶是品秩
之名无量度人卽一卷之目諸經所宗故曰上品功用微妙
是爲妙經

敘玄章

道言

西文

上清玉晨大道君靈寶天尊之言也道君序經故以道言爲
首玄師曰凡有道言皆玉晨大道君自序非二章之首

道藏輯要

度人經法

一

亢集七

昔於始青天中

始青天王隆騰勝天也

碧落空歌

卯文

大浮黎土

離文

浮黎玉隆天帝內諱也

受元始度人无量上品

玉晨大道君爲靈寶教主乃元始天尊之弟子太微天帝君
之師也受靈寶上品度人之道

啟運章

元始天尊

註元始天尊是虛皇之應號也從眞起應則曰證修妙思幽

源乃自性獨有洞神經曰妙象無形應感有體真精之炁化
成恣容

當說是經周廻十過以召十方

元始天尊爲道法宗主當此劫運開圖出教說法傳經先周
召十方天真然後登座法曰元始天尊元自己元神一身之
主也

真應章

始當詣座

子至午
文挑

座者空玄之座言方始當詣其座

天真大神

上清
文

道藏輯要

度人經法

二

九集七

上元至真九品之真

御註是出三界无修證无位業之高真

上聖高尊

玉清
文

中元聖尊九品之聖

御註是有修證有位業之上聖

妙行真人

太清
文

下元仙真九品真人

御註是无爲无作之真人皆在玉清之境出離三界之天也
此三號天真比一身則屬上部八景神炁

無執數眾乘空而來飛雲丹霄綠輿瓊輪羽蓋垂蔭流精玉光